



KOMUNIKADO PA PRENSA

Fecha

22 mart 2013

Account Manager

Jhanirha Anita

Email

jhanirha.anita@gobiernu.cw

Nr.

MINISTER EARL BALBORDA METEOROLOGIA AKUERDO KU ORGANISASHON

Willemstad - Awe mainta, Minister Earl Barborda di Ministerio di Tráfiko, Transporte i Planifikashon Urbano a firma un akuerdo entre e Organisashon Mundial di Meteorologia (WMO) i Reino Hulandes den kual tin stipulá e kuadro pa organisashon di e di 16 seshon di e asosiashon regional RA-IV di WMO. E seshon aki lo tuma lugá dia 12 pa 19 di aprel benidero i Kòrsou lo fungi komo anfitrión pa mas ku 70 eksperto riba e tereno di Meteorologia.

WMO tin 6 asosiashon regional kual ta repartí den 190 paisnan miembro di e organisashon. Kòrsou ta parti di e Asosiashon Regional RA-IV huntu ku paisnan di Nort Amérika, Karibe, Colombia i Venezuela. Huntu nan ta un total di 24 pais.

E paisnan aki, pues e RA-IV, ta bini huntu kada 4 aña durante un reunion pa kordiná aspektonan di e region kual ta parti di e programa tékniko di WMO. Algun tópiko ku lo bini na vigor ta halsa kalidat di e servisio meteorológiko pa medio di teknologianan nobo, training i koperashon regional. Esakinan tur tin komo meta pa mehorá e servisio ku ta duna na e sektor di aviashon, e sektor marítimo i komunitat en general.

Mayoria di e representantenan di WMO pa e region lo partisipá na e RA-IV aki. E sekretario general di WMO mes lo tei presentá pa habri e reunion. Komo preparashon pa e reunion importante aki, e Komishon di Orkan (Hurricane Committee) ta bini huntu di 8 di aprel pa 12 di aprel 2013.

Minister Barborda, den su afan pa yuda stimulá nos turismo i nos ekonomia, ta sumamente satisfecho ku Kòrsou a logra fungi komo anfitrión pa tipo di enkuentronan asin'aki kual ta di gran balor pa nos Pais. Pueblo di Kòrsou por sigui tur último desaroyonan di e trabounan di Minister Barborda di Tráfiko, Transporte i Planifikashon Urbano via di su página di facebook 'Minister VVRP'.